


SANCTISS. DOMINI NOSTRI D.
INNOCENTII

DIVINA PROVIDENTIA

P A P Æ XII.

CONSTITVTIO

*Super forma regiminis Sanctæ Domus,
& Ciuitatis Lauretanæ.*



ROMÆ MDC.XCVIII.

Ex Typographiâ Reu. Cameræ Apostolicæ .

INNOCENTIVS EPISCOPVS SERVVS SERVORVM DEI

Ad perpetuam rei memoriam.



SACROSANCTA Redemptionis humanæ Myſteria, quibus & Chriſtianæ religionis primordium, & vniuerſæ per Orbem Eccleſiæ dignitas, & ipſa Romani Pontificis Chriſti Vicarij Apoſtolica ceſſitudo conſurgit, quemadmodum ad intimum doloris ſenſum ex Sanctorum locorum, in quibus ea Dominus noſter operari dignatus eſt, ſub Infidelium tyrannide gementium conſideratione Nos prouocant; iam diu enim eſt, quod venerunt Gentes in hæreditatem Domini, polluerunt templum ſanctum eius, & poſuerunt Ciuitatem ſanctam Ieruſalem in opprobrium & direptionem: ita ad ſacra eiufdem Redemptionis noſtræ monumenta, quæ, Diuina largiente gratia, ſub Chriſtianorum poteſtate, ac potiſſimum ſub temporali Sanctæ Romanæ Eccleſiæ ditione reperiuntur, eò ſtudioſius cuſtodienda, atque impenſius veneranda Pontificiam noſtram ſolicitudinem excitant & impellunt.

Sanè cum Sacrum illud Cubiculum, ſeu Sanctam Domum Lauretanam, nuncupatam, vbi primùm glorioſiſſima Dei Genitrix, ac ſemper Virgo Maria, quaſi aurora conſurgens præclara Natiuitate ſua gaudium annunciauit vniuerſo Mundo, ac vbi Vnigenitum Dei Filium Sancti Spiritus obumbratione concepit, inſigni miraculo, ac Angelorum miniſterio ad Piceni noſtri Prouinciæ tranſportatum vniuerſus Chriſtianus Orbis veluti primum tabernaculum Dei cum hominibus iam à pluribus ſæculis veneretur in terris, & Omnipotens deus Coelis Deus affidua miraculorum frequentia illuſtrare non ceſſet; Nos erga tam Sacroſanctam Domum mentis noſtræ aciem ſimul & cordis affectum conuerſentes in eam libentiſſimè curam incumbimus, vt, remotis ijs, quæ diſſidia & offenſiones parere quoquo modo poſſent, felici proſperoque præfatæ Sanctæ Domus, & Lauretanæ noſtræ, quæ velut in atrijs eiufdem Domus Domini poſita eſt, Ciuitatis regimini, Romanorum etiam Pontificum prædeceſſorum noſtrorum aliàs deſuper editis Conſtitutionibus, vbi opus fuerit, reformatis, & immutatis, Apoſtolica prouidentia conſulamur.

Aliàs ſiquidem plures Romani Pontifices prædeceſſores noſtri ob eximium religionis zelum, atque in Deiparam Virginem deuotionis affectum, & quamplurimis eamdem Sanctam Domum priuilegijs, indutis, gratijs, & prærogatiuis condecorarunt, & ſignanter ſel. rec. Clemens Papa VII. prædeceſſor noſter inter cætera Caſtrum Lauretanum, eiufque habitatores cum omnibus iuribus, & pertinentijs ſuis curæ, gubernio, adminiſtrationi, & regimini cum mero & mixto imperio, & gladij poteſtate Commiſſarij, ſeu Proteſtoris dictæ Sanctæ Domus ſubmiſit, & demandauit ac nouiſſimè recol. mem. Paulus Papa V. etiam prædeceſſor noſter volens diuerſis litibus & contentionibus, quæ inter Epiſcopum Lauretanum, & Proteſtorem præfatæ Domus exortæ fuerant, &

oriri possent in postetum, obulare; utque eadem Sancta Domus Lauretana, eiusque Officiales, & Ministri quicunque, necnon Bona, res, & iura ad eam pertinentia melius & facilius gubernarentur, eadem Sanctæ Domui, seu Sancto Cubiculo Lauretano solum, seu pauimentum tam eiusdem Sancti Cubiculi, seu Sanctæ Cappellæ, quàm circuncirca usque ad columnas, & scalas inclusivè contentum, in Territorium proprium, distinquere, & separatim nullius Diocesis, in quo de cætero solus eiusdem Sanctæ Domus Protector pro tempore existens, eiusque Gubernator privativè quoad Episcopum Lauretanum, etiam si Sanctæ Romanæ Ecclesiæ Cardinalis existet, iurisdictionem omnimodam, & quasi Episcopalem habere & exercere posset, perpetuò constituit & assignavit; ipsamque Domum, seu Cappellam magiam, & parvam nuncupatam, ac pauimentum, & Territorium prædictum, eiusque Gubernatorem, Officiales, Ministros, & quoscunque alios tam Laicos, quàm Clericos & Regulares eidem Sanctæ Domui, seu Cappellæ, eiusque Bonis quomodolibet inferuientes, necnon eorumdem Officialium, Ministrorum, aliorumque inferuentium familias, servitores, & famulos, & quoscunque cuiusvis generis, conditionis, & præminentie Peregrinos ad eandem Sanctam Cappellam, seu Ecclesiam Lauretanam confluentes, necnon eiusdem Sanctæ Domus palatia, ædificia, possessiones, & prædicta quæcunque, & reliqua Bona tam stabilia, quàm mobilia, & se mouentia ubicunque existentia, suppellectilia etiam pretiosa, pecunias, elemosynas, donationes, & quæcunque reliqua ab omni, & quacunque Episcopi Lauretani superioritate, iurisdictione, dominio, ac potestate, perpetuò, plenissimè, penitus, & omnino exemit & liberauit, ac sub Beati Petri, & Sedis Apostolicæ protectione speciali suscepit: omnimodamque iurisdictionem Ecclesiasticam & spiritualem, & quasi Episcopalem in præfatam Sanctam Domum, eiusque Territorium, Ministros, Officiales, aliosque inferuentes, ac Peregrinos, resque, Bona, ac iura prædicta eidem pro tempore Protectori subiecit, & adiudicauit, varijs eidem Protectori tam circa Vicarij Curati deputationem, quàm circa dimissorialium literarum concessionem, aliaque quamplurima, privilegij, & facultatibus attributis, prout in præfatorum Clementis in forma Brevis sub die decimatertia Ianuarij millesimo quingentesimo vigesimoquarto, Pontificatus sui anno primo, & Pauli prædecessorum sub plumbo anno Incarnationis Dominicæ millesimo sexcentesimo vigesimo pridi Idus Iulij, Pontificatus sui anno decimosexto respectivè expeditis literis vberiùs continetur.

Nos verò providè considerantes, ex huiusmodi forma regiminis non eam, quæ sperabatur, utilitatem provenisse; quin potiùs experientia, & quamplurimum ad Apostolatum nostrum perlatis querelis, atque recursibus certiores effecti, imminuta nimis Episcopi potestate, disciplinam Ecclesiasticam paulatim dissolui, necnon Cleri, populi que mores, aucta exemptorum multitudinem, relaxari, non sine frequentibus Prælatorum, ac Subditorum perturbationibus; itaque quod aliàs in præfatæ Sanctæ Cappellæ decus, & commodum ab ipsædem Clemente, & Paulo prædecessoribus salubriter constitutum fuerat, iam temporum varietate, ac fortasse hominum malitia in eiusdem noscatur vergere detrimentum, habita super his cum nonnullis Venerabilibus Fratribus nostris Sanctæ Romanæ Ecclesiæ Cardinalibus, & dilectis Filijs Romanæ Curie Prælati deliberatione matura, præfatas Prædecessorum literas, earum tenores etiam veriores præsentibus pro plenè & sufficienter expressis, ac de verbo ad verbum insertis habentes, motu proprio & ex certa scientia, deque Apostolicæ potestatis plenitudine, hac nostra perpetuò valitura Constitutione ad formam & termini-

nos infra exprimendos moderamur, reducimus, restringimus, & immutamus.

Ac primò quidem cupientes præfatæ Sanctæ Cappellæ, seu Domui, ubi Verbum caro factum est, præminentiam omnem, decus & honorificentiam conservari, nec vlla ex parte imminui, quin potiùs vberioribus gratijs, & privilegijs amplificari; diligimus enim decorem domus Dei, & quàm maximam possumus gloriam Nomini eius asferre satagimus in aula sancta eius: eidem Sanctæ Domui Territorium proprium, ac separatum, atque ab omni Ordinarij iurisdictione exemptum, & quasi Episcopale in præfatis Pauli Papæ V. prædecessoris nostri literis assignatum tenore præsentium confirmamus & approbamus, idemque Territorium vnà cum omnibus præfatæ Sanctæ Domus Ministris, & Officialibus, alijsque personis ei quomodolibet inseruientibus, vel ad eam, ex qualibet Mundi parte deuotionis gratia confluentibus, eiusque Bonis quibuscunque vbilibet existentibus, ad formam præfatarum Pauli prædecessoris literarum, ab omni & quacunque Ordinarij iurisdictione, iterum ac plenissimè, & penitus eximentes, præfato Protectoris, quod per obitum bo: mem: Palutij, dum vixit, Episcopi Portuen, S. R. E. Cardinalis de Alterijs nuncupati de præfenti vacat, Officio, dignitate, titulo, ac denominatione perpetuò superscissis, ac prorsus de medio sublatis, sub Beati Petri, nostraque, & Sedis Apostolicæ speciali, & immediata protectione suscipimus.

Omnem verò, & quancunque iurisdictionem tam Ecclesiasticam & spirituales, ac quasi Episcopalem, quæ in eandem Sanctam Domum, eiusque Territorium, Officialcs, Ministros, Peregrinos, ac Bona prædicta, quàm laicalem, siue laicalem in Communitatem, homines, & Ciuitatem nostram, Lauretanam, eiusque Comitatum, atque districtum, vt supra, Protectori pro tempore Sanctæ Domus eiusdem, siue ex præfatis Clementis, ac Pauli, siue aliorum quorumcunque Romanorum Pontificum prædecessorum nostrorum Constitutionibus, indultis, privilegijs, aut alijs quomodolibet competeat, quandoquidem ei Romani Pontifices per seipsos, Apostolicæ seruitutis curis, & omnium Ecclesiarum sollicitudine prægrauati, vacare non possunt, exerceri in posterum statuimus, & mandamus per Congregationem nonnullorum Venerabilium Fratrum nostrorum S. R. E. Cardinalium, necnon dilectorum Filiorum Romanæ Curie Prælatorum, Lauretanam nuncupandam, quam ad hunc effectum tenore præsentium erigimus, instituimus, & specialiter deputamus.

Eidemque Congregationi, vt semel & pluries, & quoties sibi videbitur & placebit, quæcunque statuta, & ordinationes pro felici prædictæ Sanctæ Domus, eiusque Bonorum, ac personarum eidem inseruientium regimine, sacris tamen Canonibus, & Concilij Tridentini Decretis non aduersantia, & signanter quoad numerum Ministrorum, & Officialium eiusdem Sanctæ Domus privilegijs, & exemptionibus gaudentium, quem per eandem Congregationem omnino reformari, & ad solos necessarios restringi volumus, ab omnibus, ad quos pertinet inuiolabiliter obseruanda condere, edere & publicare, illaque mutare, alterare, corrigere, & emendare, prout in Domino salubriter expedire conouerit, concedimus & indulgemus.

Quò verò præfatarum Sanctæ Domus, & Ciuitatis regimen, melius, distinctius, omnique, quantum fieri potest, litum & contentionum remoto periculo administretur, omniaque honestè, & secundum ordinem fiant, volumus, & mandamus, vt Congregatio præfata, in Spiritualibus quidem, quæ scilicet ad Ecclesiæ cultum, Chori seruitium, Diuinorum celebrationem, Animarum curam, Sacramentorum administrationem, morum correctionem, aliaque huiusmodi

modi pertinent, Episcopi Lauretani pro tempore existentis, tamquam Sedis Apostolicæ Delegati; in ijs verò, quæ quorumcunque Bonorum eiusdem Sanctæ Cappellæ temporalem administrationem, necnon dictæ Ciuitatis Lauretanæ, eiusque Comitatus, atque districtus tam in Causis ciuilibus, quàm criminalibus, seu mixtis gubernium seculare concernunt, Romanæ Curie Prælati, in Gubernatorem à nobis, & pro tempore existente Romano Pontifice deputandis opera, & ministerio vti debeat,

Ac propterea tam domorum, ædificiorumque omnium fabricam, & maintenancem, quàm suppellectilium cuiuscunque generis, paramentorum, gemmarum, aliorumque iocalium, quæ sub thesauri nomine nuncupantur, necnon elemosynarum & largitionum quarumlibet custodiam, atque etiam Montis Pietatis, nosocomij, hospitij, & triclinij pro pauperibus peregrinis superintendentiam Gubernatoris præfaturæ committenda esse; ministros verò supradictis locis, rebusque inseruiantes, si Clerici fuerint, in concementibus dumtaxat eorum ministerium Gubernatori præfaturæ, in reliquis autem Episcopo Lauretano tamquam Sedis Apostolicæ Delegato, Organis tam demum, Cantoresque quoscunque eiusdem Sanctæ Domus, quoad correctionem morum, Ecclesiæque seruitium Episcopo, in cæteris Gubernatori subesse debere decernimus, & declaramus.

Quoniam verò nonnullæ Ecclesiæ, seu Beneficia etiam curata præfatæ Sanctæ Domui, seu Cappellæ vnita, annexa, vel ab ea dependentia non in Lauretana solum, sed in quampluribus etiam alijs Diocæsisbus reperiuntur, vt earumdem Ecclesiarum, Beneficiorumque bono regimini, rectæque administrationi consultum sit, easdem Ecclesias, earumque Rectores, aliosque Ministros quoscunque Episcoporum, aliorumque Ordinariorum, in quorum respectu Diocæsisbus sita sunt, tamquam Sedis Apostolicæ Delegatorum, iurisdictioni, visitationi, & correctioni, sub Congregationis tamen, vt supra, à nobis creatæ, regimine & omnimoda dependentia, subesse volumus, & mandamus; itemque prorsus quoad omnes & singulos Colonos, siue Officiales eiusdem Sanctæ Domus extra Diocæsim Lauretanam vbilibet existentes, ad debitum tamen numerum vt supra reducendos, seruari statuimus.

Beneficia autem prædicta, & alia quæcunque cum cura, & sine cura, secularia, & quorumvis Ordinum Regularia qualitercumque qualificata, & vbicunque existentia, quæ ad collationem, prouisionem, præsentationem, electionem, & quamuis aliam dispositionem præfatæ Sanctæ Domus pro tempore Protectoris quomodolibet pertinebunt, ordinationi, dispositioni, & prouisioni nostræ, & Sedis Apostolicæ perpetuò reseruamus.

Si quid verò circa præsentis nostræ Constitutionis obseruantiam, interpretationem, siue declarationem vllò vnquam tempore controuerti, aut dubitari contigerit, id omne præfatæ Congregationis, à nobis vt supra institutæ, iudicio, cui propterea omnem desuper facultatem necessariam, & opportunam concedimus & impertimur, declarandum, decidendum, definiendumque esse, necnon quacunque appellatione, recurso, nullitatis dictione remotis, ab omnibus seruandum omninò districtè præcipimus, & mandamus.

Decernentes præsentis literas, etiam ex eo, quòd Episcopus, Capitulum & Clerus, aut Communitas, & homines præfatæ Ciuitatis nostræ Lauretanæ, ac alij quicunque in præmissis quomodolibet interesse habentes, seu habere prætendentes, eisdem non consenserint, aut vocati, seu auditi non fuerint, aliaque quauis de causa, quantumvis legitima & iuridica, de vllò subreptionis, vel obreptionis, seu nullitatis vitio, aut intentionis nostræ, vel alio quocunque defectu

fectu notari, impugnari, vel in controuersiam reuocari, aut ad terminos iuris reduci nullatenus posse: sed semper & perpetuo validas, firmas & efficaces existere, & ab ijs, ad quos spectat, & in futurum spectabit inuiolabiliter obseruari: sicque per quoscumque Iudices Ordinarios & Delegatos quauis auctoritate fungentes, etiam Caesarum Palatii Apostolici Auditores, & S. R. E. Cardinales, etiam de Latere Legatos, sublata eis, & eorum cuilibet quauis aliter iudicandi & interpretandi facultate & auctoritate, vbique iudicari & definiri debere, irritum quoque, & inane quicquid secus super omnibus & singulis premisis, vel circa ea à quoquam quauis auctoritate scienter, vel ignoranter contigerit attentari.

Non obstantibus quoad ea, quæ presentibus aduersantur, premisis Clementis & Pauli prædecessorum huiusmodi & alijs quibuscunque Constitutionibus, & Ordinationibus Apostolicis etiam in Synodalibus, Prouincialibus, & vniuersalibus Concilijs editis, innouatis & confirmatis, nostraque de iure quæsito non tollendo, alijsque Cancellariæ Apostolicæ regulis, ac dictarum Sanctæ Domus, & Ecclesiæ, & Ciuitatis Lauretanæ etiam iuramento, confirmatione Apostolica, vel quauis firmitate alia roboratis statutis, & consuetudinibus, priuilegijs quoque, Indultis Sanctæ Domui præfatæ, illiusque Protectori pro tempore existenti concessis, & quibusuis alijs sub quibuscunque tenoribus & formis, ac cum quibusuis etiam derogatorijs derogatorijs, alijsque efficacioribus & insolitis clausulis, ac irritantibus, & alijs Decretis in genere, vel in specie, necnon etiam cæteris omnibus & singulis, quæ in præsertis literis ipsi prædecessores voluerunt minime obstare.

Quibus omnibus & singulis, etiam si pro illorum sufficienti derogatione de illis, eorumque totis tenoribus specialis & indiuidua, & expressa, ac de verbo ad verbum, non autem per clausulas generales idem importantes, mentio, seu quæuis alia expressio habenda, aut alia aliqua exquisita forma ad hoc seruanda foret, tenores huiusmodi, ac si de verbo ad verbum, nihil penitus omisso, & forma in illis tradita obseruata, exprimerentur & infererentur, presentibus pro plenè & sufficienter expressis, & insertis habentes ad effectum presentium, illis alijs in suo robore permanens, harum serie derogamus, cæterisque contrarijs quibuscunque.

Nulli ergo omnino hominum liceat hanc paginam nostræ moderationis, confirmationis, exemptionis, suppressionis, erectionis, concessionis, declarationis, reservationis, decreti, & derogationis infringere, vel ei ausu temerario contraire.

Si quis autem hoc attentare præsumperit, indignationem Omnipotentis Dei, ac Beatorum Petri & Pauli Apostolorum eius se noverit incursurum.

Datum Romæ apud Sanctam Mariam Maiorem Anno Incarnationis Dominicæ millesimo sexcentesimo nonagesimo octauo Nonis Augusti Pontificatus Nostri Anno Octauo.

B. Card. Prodatarius. I. F. Card. Albanus.

Visa de Curia C. A. Fabronus.

P. Porta.

Loco & plumbi

Registrata in Secretaria Breuium :

Anno à Natiuitate Domini Nostri IESV Christi millesimo sexcentesimo nonagesimo octauo, Indictione sexta, die verò nona Augusti, Pontificatus autem Sanctissimi in Christo Parris, & Domini Nostri Domini INNOCENTII Diuina Prouidentia Papæ XII. Anno octauo supradictæ Constitutio affixa, & publicata fuit ad valuas Ecclesiæ S. Io: Lateranensis, Basilicæ Principis Apostolorum, Curie Innocentianæ, Cancellariæ Apostolicæ, in Acie Campi Floræ, ac in alijs locis solitis, & consuetis Vrbs, per me Sebastianum Vascellum eiusdem Sanctissimi D. Nostri Papæ Cursorem.

Joseph Staggins Mag. Curf.

